

სახელმწიფო შესყიდვის შესახებ ხელშეკრულება

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში

ქ. თბილისი

----- 2020 წელი

1. ხელშეკრულების დამდები მხარეები

ერთის მხრივ ა(ა)იპ - სოფლის განვითარების სააგენტო (შემდგომში – „შემსყიდველი“), წარმოდგენილი – -- სახით და მეორეს მხრივ --- (შემდგომში „მიმწოდებელი“), წარმოდგენილი --- სახით, საქართველოში მოქმედი კანონმდებლობის შესაბამისად და მათი გათვალისწინებით, ვაფორმებთ ხელშეკრულებას შემდეგზე:

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტია საოფისე ფართის (მდებარე: ქ. ჭიათურა, ნინოშვილის ქ. N5ა-ში მდებარე შენობის მე-2 სართული, 54 მ² ფართი, ს/კ 38.10.36.027, ა(ა)იპ - სოფლის განვითარების სააგენტოს ჭიათურის საინფორმაციო-საკონსულტაციო ცენტრი) სარემონტო სამუშაოების შესყიდვა (შემდგომში „სამუშაო“), რომელიც მოცემულია სამუშაოების ხარჯთაღრიცხვაში, რაც თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება - ელექტრონული ტენდერი.

2.3 ელექტრონული ტენდერის განცხადების ნომერი -----

2.4 ხელშეკრულების საერთო ღირებულება შეადგენს ----- ლარს, ყველა გადასახადის ჩათვლით.

2.5 კლასიფიკატორის კოდი - 45442180.

2.6 ხელშეკრულება ძალაში ზემოთ მითითებული თარიღიდან ----- - მდე/ჩათვლით.

2.7 ხელშეკრულების მოქმედების ვადის დასრულება არ ათავისუფლებს მხარეებს ხელშეკრულების მოქმედების პერიოდში ნაკისრი ვალდებულებების სრული და ჯეროვანი შესრულებისგან.

3. სამუშაოების შესრულების ვადა და ადგილი

3.1 მიმწოდებელმა სამუშაოები უნდა აწარმოოს საქართველოს კანონმდებლობით გათვალისწინებული შესაბამისი სამშენებლო, „შრომის უსაფრთხოების შესახებ“ საქართველოს კანონის, გარემოსდაცვითი ნორმებისა და წესების მიხედვით.

3.2 სამუშაოების წარმოების ადგილია ქ. ჭიათურა, ნინოშვილის ქ. N5ა-ში მდებარე შენობის მე-2 სართულზე მდებარე 54 მ² ფართი (ს/კ 38.10.36.027); ა(ა)იპ - სოფლის განვითარების სააგენტოს ჭიათურის საინფორმაციო-საკონსულტაციო ცენტრი.

4. შესრულებული სამუშაოს ხარისხი და გარანტია

4.1 ხელშეკრულების ფარგლებში შესასრულებელი სამშენებლო სამუშაოების ხარისხი უნდა შეესაბამებოდეს სამშენებლო ნორმებითა და წესებით გათვალისწინებულ მოთხოვნებს და სტანდარტებს;

4.2 სამუშაოების შესრულების პროცესში ყველა გამოყენებული მასალა და მოწყობილობა უნდა იყოს ახალი, აქსპლუატაციაში არ მყოფი, მაღალი ხარისხის და უნდა შეესაბამებოდეს ამ სფეროში აღიარებულ სტანდარტებს.

4.3 შესრულებულ სამუშაოებსა და დამონტაჟებულ დანადგარები/მექანიზმებზე საგარანტიო ვადა შეადგენს მხარეებს შორის საბოლოო მიღება-ჩაბარების აქტის გაფორმებიდან არანაკლებ 1 (ერთი) წელს, რომლის განმავლობაშიც რაიმე წუნის (ნაკლოვანებები, დეფექტი) აღმოჩენის შემთხვევაში, მიმწოდებელი ვალდებულია აღმოფხვრას აღნიშნული საკუთარი ხარჯებით.

4.4 მიმწოდებელი პასუხს აგებს საგარანტიო ვადის ფარგლებში ობიექტის შეუფერხებელ ფუნქციონირებაზე. თუ საგარანტიო ვადის განმავლობაში აღმოჩნდება ობიექტის ექსპლუატაციისათვის ხელის შეშლის ნაკლი/გაუმართაობა, მიმწოდებელი ვალდებულია ვალდებულებას ღებულობს საკუთარი ხარჯით აღმოფხვრას ყველა ნაკლი/გაუმართაობა შემსყიდველის მიერ მითითებულ გონივრულ ვადაში.

5. სამუშაოს შესრულების ადგილის მომზადება და გარემოს დაცვა

- 5.1. მიმწოდებელმა უნდა მოამზადოს სამუშაოების შესასრულებლად გამოყოფილი ადგილი შესაბამისი წესით და უზრუნველყოს გარემოს დაცვისთვის საჭირო ღონისძიებების განხორციელება;
- 5.2. შეასრულოს სამუშაო უსაფრთხო და ეკოლოგიურად მისაღები გზით;
- 5.3. მინიმუმამდე დაიყვანოს სამუშაოებით გამოწვეული ხმაურის, ვიბრაციის და მტვრის გავლენა;
- 5.4. სამუშაოების დასრულების შემდეგ, საკუთარი ძალებით და სახსრებით გაათავისუფლოს სამუშაო ადგილი (მიმწოდებლის ტერიტორია) სამშენებლო მოწყობილობა-დანადგარებისაგან, სამშენებლო ნარჩენებისაგან, მასალებისაგან, დროებითი ნაგებობებისაგან და ა. შ.

6. ხელშეკრულების შესრულების ინსპექტირება და სამუშაოთა ზედამხედველობა

- 6.1. შემსყიდველს უფლება აქვს მიმწოდებლის მიერ სამუშაოს განხორციელების ნებისმიერ ეტაპზე, განახორციელოს ინსპექტირება და სამუშაოთა ზედამხედველობა, რომელსაც ახორციელებს ინსპექტირებისა და სამუშაოთა ზედამხედველობის ჯგუფი.
- 6.2. *ინსპექტირებისა და სამუშაოთა ზედამხედველობის ჯგუფის ფუნქციები:*
- 6.2.1 გაუწიოს ინსპექტირება სამუშაოს განხორციელების ვადების ხელშეკრულების მოთხოვნებთან შესაბამისობის დადგენას;
- 6.2.2 დაადგინოს შეესაბამება, თუ არა განხორციელებული სამუშაო ხელშეკრულებით განსაზღვრულ მოთხოვნებს;
- 6.2.3 შემოწმების შედეგად გამოვლენილი ნებისმიერი ნაკლის ან დეფექტის შესახებ აცნობებს მიმწოდებელს წუნდების მიზეზების მითითებით, რომლის აღმოფხვრის ხარჯების დაფარვა სრულად ეკისრება მიმწოდებელს;
- 6.2.4 უფლებამოსილია სამუშაოების შესრულების ნებისმიერ ეტაპზე მოახდინოს სამუშაოების შემოწმება მიმწოდებლის მიერ წარმოდგენილი ხარჯთაღრიცხვის შესაბამისად, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან;
- 6.2.5 მიმწოდებლის მიერ ხელშეკრულების პირობების არაჯეროვანი და უხარისხო შესრულების, ხარვეზებისა და დეფექტების (ასეთის არსებობის შემთხვევაში) არ აღმოფხვრის ან ვადების დარღვევის შემთხვევაში, ამ ხელშეკრულებით გათვალისწინებული შესაბამისი საჯარიმო ღონისძიებების გამოყენება, დოკუმენტაციის შედგენა; საჭიროების შემთხვევაში ხელშეკრულებების შეწყვეტის საკითხის დასმა;
- 6.2.6 შესრულებული სამშენებლო სამუშაოების, გამოყენებული მასალების სამშენებლო ნორმებისა და წესების მოთხოვნებთან, სტანდარტებთან, ტექნიკურ პირობებსა და სხვა ნორმატიულ დოკუმენტაციასთან შესაბამისობის ინსპექტირება;
- 6.2.7 სამუშაოთა ცალკეული ეტაპის დასრულების შემდეგ ტესტირების ჩატარების მოთხოვნა;
- 6.2.8 ინსპექტირება მიმწოდებლის მიერ გამოყენებული მასალების და კონსტრუქციების შენახვის ნორმებთან შესაბამისობაზე;
- 6.2.9 საჭიროების შემთხვევაში ხელშეკრულებაში ცვლილებების შეტანის მიზანშეწონილობისა და აუცილებლობის შესახებ შემსყიდველ მხარეზე არგუმენტირებული წინადადებების/განმარტების წარდგენა;
- 6.2.10 სამუშაოების დასრულებამდე, დასრულების შემდგომ ხელშეკრულებით გათვალისწინებულ საგარანტიო ვადაში წარმოქმნილი ხარვეზების აღმოჩენა;
- 6.2.11 ხელშეკრულების შესრულების კონტროლს შემსყიდველის მხრიდან განახორციელებენ ხელშეკრულების 7.2 პუნქტში მითითებული პირები.

7. მიღება-ჩაბარების წესი

- 7.1. შესრულებული სამუშაოების მიღება მოხდება დადასტურებული ფორმა №2-ით (შესრულებული სამუშაოების აქტი), რომლის დროსაც მხარეებს შორის გაფორმდება მიღება-ჩაბარების აქტი.
- 7.2. შემსყიდველის მხრიდან ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე უფლებამოსილ პირებს წარმოადგენენ:

8. ანგარიშსწორება და ანგარიშსწორების ვალუტა

- 8.1. ანგარიშსწორება განხორციელდება სამუშაოების დასრულების შემდეგ, მიმწოდებლის მიერ ფაქტიურად შესრულებული სამუშაოების აქტის (ფორმა №2), შესაბამისი საფინანსო დოკუმენტაციის წარმოდგენიდან და მხარეებს შორის მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღის ვადაში.
- 8.2. ანგარიშსწორება მოხდება უნაღდო ანგარიშსწორებით ლარში.

9. მხარეთა უფლება-მოვალეობანი

9.1. შემსყიდველი ვალდებულია:

- 9.1.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 9.1.2 ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;
- 9.1.3 აუნაზღაუროს მიმწოდებელს ხელშეკრულებით გათვალისწინებული შესრულებული სამუშაოების ღირებულება;
- 9.1.4 შემსყიდველი ვალდებულია ოპერატიულად, სიტყვიერი ან/და წერილობითი სახით, აცნობოს მიმწოდებელს შემოწმების შედეგები დაწუნებული სამუშაოს მოცულობისა და წუნდების მიზეზის გათვალისწინებით.

9.2. შემსყიდველს უფლება აქვს:

- 9.2.1 ხელშეკრულების მიმდინარეობის ნებისმიერ ეტაპზე განახორციელოს ინსპექტირება და ზედამხედველობა მიმწოდებლის მიერ ხელშეკრულების პირობების დაცვაზე;
- 9.2.2 განახორციელოს მიმდინარე/შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი სამშენებლო ნორმებთან;
- 9.2.3 ხელი მოაწეროს შესრულებული სამუშაოების მიღება-ჩაბარების აქტებს და მასთან დაკავშირებულ სხვა დოკუმენტაციას;
- 9.2.4 მიმწოდებლისაგან მოითხოვოს სამუშაოების წარმოებასთან დაკავშირებული დამატებითი ინფორმაცია და დოკუმენტაცია.
- 9.2.5 საჭიროების შემთხვევაში მოსთხოვოს მიმწოდებელს გამოყენებულის მასალების და დანადგარების/აღჭურვილობის ტექნიკური პასპორტები, სერტიფიკატები, ხარისხის დამადასტურებელი ლაბორატორიული შემოწმების შედეგები და სხვა დოკუმენტები (აღნიშნულთან დაკავშირებული ხარჯების გაწევა წარმოადგენს მიმწოდებლის ვალდებულებას).

9.3. მიმწოდებელი ვალდებულია:

- 9.3.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 9.3.2 სამშენებლო/სადემონტაჟო ნორმებისა და წესების სრული დაცვით უზრუნველყოს სამუშაოების მაღალი ხარისხით შესრულება და მათი დამთავრება ხელშეკრულების განსაზღვრულ ვადებში;
- 9.3.3 ფარული სამუშაოები (ასეთის არსებობის შემთხვევაში) აწარმოოს შემსყიდველის მიერ შესაბამისად უფლებამოსილი პირის უშუალო ზედამხედველობის ქვეშ. მიმწოდებელი ვალდებულია წინასწარ 2 (ორი) სამუშაო დღით ადრე წერილობით/ელექტრონული ფოსტით აცნობოს შემსყიდველს აღნიშნული სამუშაოების შესრულების თარიღის შესახებ;
- 9.3.4 სამუშაოების შესრულების პროცესში შემსყიდველის შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;
- 9.3.5 სამუშაოების შესასრულებლად აუცილებელი მასალები, აღჭურვილობა და მექანიზმების მოწოდება უზრუნველყოფილი უნდა იქნას მიმწოდებლის მიერ. მიმწოდებელი პასუხისმგებელია აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს;
- 9.3.6 მიმწოდებელმა სამუშაოების განხორციელების პროცესში უნდა მიიღოს აუცილებელი ზომები ტექნიკური უსაფრთხოების და გარემოსდაცვითი მოთხოვნების დაცვის უზრუნველსაყოფად;
- 9.3.7 ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე;
- 9.3.8 მიმწოდებელი ვალდებულია ხელი შეუწყოს შემსყიდველს, ტექნიკურ ზედამხედველ(ებ)ს შემოწმების-ზედამხედველობის ჩატარების დროს;
- 9.3.9 მიმწოდებელი ვალდებულია წინასწარ შეათანხმოს შემსყიდველთან სამუშაოების პროცესში გამოსაყენებელი მასალების და სხვა ძირითადი მახასიათებლები;
- 9.3.10 შემსყიდველის მოთხოვნის შემთხვევაში მიმწოდებელი ვალდებულია სამუშაოთა ცალკეული ეტაპ(ებ)ის დასრულების შემდეგ საკუთარი ხარჯით განახორციელოს ტესტირება/შემოწმება და ტესტირების/შემოწმების შედეგები წერილობით აცნობოს შემსყიდველს;

9.3.11 მხარეების მიერ ხარვეზების არსებობის შესახებ შეუთანხმებლობის შემთხვევაში შემსყიდველი იტოვებს უფლებას მოიწვიოს დამოუკიდებელი ექსპერტი და განახორციელონ ხარვეზის შეფასება (ექსპერტიზის ხარჯს ხარვეზის დადასტურების შემთხვევაში დაფარავს მიმწოდებელი).

9.3.12 ახალი კორონა ვირუსის (covid 19) გავრცელებასთან დაკავშირებით, ქვეყანაში შექმნილი მდგომარეობიდან გამომდინარე, მიმწოდებელი ვალდებულია, სამუშაოების შესრულების პროცესში უზრუნველყოს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროსა და საზოგადოებრივი ჯანმრთელობის ეროვნული ცენტრის მიერ გაცემული რეკომენდაციების დაცვა.

9.4 მიმწოდებელს უფლება აქვს:

9.4.1 მოსთხოვოს შემსყიდველს შესრულებული სამუშაოების ღირებულების ანაზღაურება ხელშეკრულებით გათვალისწინებული პირობების შესაბამისად;

9.4.2 მოითხოვოს შემსყიდველისაგან ხელშეკრულების სხვა პირობების დაცვა.

10. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა, და გადახდის ვადები)

9.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების სრულად შეუსრულებლობისთვის, არაჯეროვნად ან/და ნაწილობრივ შესრულების შემთხვევაში გამოიყენება საჯარიმო სანქციები.

9.2 ხელშეკრულების პირობების სრულად შეუსრულებლობისთვის მიმწოდებელს ეკისრება პირგასამტეხლოს გადახდა ხელშეკრულების საერთო ღირებულების 20%-ის ოდენობით.

9.3 ხელშეკრულების პირობების არაჯეროვანი შესრულებისთვის (მათ შორის, ვალდებულების შესრულების ვადაგადაცილების დროს) მიმწოდებელს ეკისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02 %-ის ოდენობით.

9.4 ხელშეკრულების ნაწილობრივ შესრულების შემთხვევაში, მიმწოდებელს ეკისრება პირგასამტეხლოს გადახდა შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

9.5 თუ შემსყიდველი არ ასრულებს წინამდებარე ხელშეკრულების 8.1 პუნქტის მოთხოვნებს, ეკისრება პირგასამტეხლოს გადახდა, მიმწოდებლის მიერ შესრულებული ვალდებულების მიხედვით ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

9.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9.7 დარიცხული პირგასამტეხლოს გადახდა ხელშეკრულების მხარეების მიერ უნდა მოხდეს წერილობითი მოთხოვნის მიღებიდან არაუგვიანეს 5 კალენდარული დღის განმავლობაში.

9.8 იმ შემთხვევაში, თუ მიმწოდებელს არ აქვს გადახდილი დაკისრებული პირგასამტეხლო სრულად, შემსყიდველი არ მოახდენს წინამდებარე ხელშეკრულების 8.1 პუნქტით გათვალისწინებულ ანგარიშსწორებას.

11. ხელშეკრულების შეწყვეტა

12.1 ხელშეკრულების დამდები ერთ-ერთი მხარის მიერ ხელშეკრულების პირობების სრულად შეუსრულებლობის, არაჯეროვნად ან/და ნაწილობრივ შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

12.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

12.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

12.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

12.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ აგრეთვე:

ა) იმ შემთხვევაში თუ ხელშეკრულების არაჯეროვნად შესრულებისთვის (მათ შორის, ვალდებულების შესრულების ვადაგადაცილების დროს) დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 0.2 %-ს;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

12.6 ამ მუხლის 12.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოს ღირებულება.

13. ფორს-მაჟორი

13.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა, ემბარგოს დაწესება, ასიგნებების მკვეთრი შემცირება და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

13.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

13.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

14. ხელშეკრულებაში ცვლილებების შეტანა

14.1 სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

14.2 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

15. უფლებების გადაცემა

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.2 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

16. ურთიერთობა ხელშეკრულების დამდებ მხარეებს შორის

16.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

16.2 შეტყობინება შედის ძალაში ადრესატის მიერ მისი მიღების დღეს.

17. სადავო საკითხების გადაწყვეტა

17.1 ხელშეკრულების საფუძველზე წამოჭრილი დავები წყდება ურთიერთშეთანხმების გზით.

17.2 შეთანხმების მიუღწევლობის შემთხვევაში მხარეები მიმართავენ საქართველოს სასამართლოს.

18. სხვა პირობები

18.1 ყველა ის საკითხი, რომელიც გათვალისწინებული არ არის ხელშეკრულებით რეგულირდება საქართველოს კანონმდებლობის შესაბამისად.

18.2 ხელშეკრულება შედგენილია ქართულ ენაზე. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.3 მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.

18. 4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მხარეთა რეკვიზიტები

შემსყიდველი

მიმწოდებელი